

MIARAMILA AM-PERINASA SY MISOTRO RONONO

Marary ny foloalindahy Malagasy

Araaka ny vaovao voaray sy nohamarinina, misy amin'izao fotoana ireo miaramila am-perinasa sy misotro ronono sasany mimenomenona sy milaza ny tena zava-misy tamin'ny jery todika tao anivon'ny ministeran'ny fiarovam-pirenena. Amin'izy ireo, marary ny foloalindahy Malagasy ankehitriny, noho ny ataon'ny ministra tompon'andraikitra sy ny mpiara-miasa aminy. Toy izao izany fanambarana izany:

lava ny an'ny ministry ny fiarovam-pirenena, resaka sinema.

**Fanamarihana :** Marihana fa ny resaka ZRPS dia tsy asan'ny ministry ny fiarovam-pirenena (MDN) amin'izao fotoana izao, fa famolavolana nataon'ireo teo alohany, hany ka tsy hainy tsara ny heviny, na ny fampiasana azy.

**Fanafoanana sy tanjona ambadiky ny Service civique sy OTME**

Marina fa ny service civique dia rafitra tranainy, fa tena manakaiky va-voaka, izay mbola 80% ny Malagasy no mapamboly sy mpiompy ka mila azy.

Ny OTME indray dia voafehin'ny fahendrena malagasy hoe : "Mahery tsy maody, tsy ela velona"; ny fanjakana dia hery (Forces), fahefana (pouvoir), kanefa kosa dia mila fiarovana sy tokony ho mailo hatrany, amin'ny loza maro mety hamin-gana na handavo azy, izay no nilana ny OTME, hanao ny asa atao hoe :

Contre-espionnage : amin'ny resaka cybernétique sy électromagnétique (réseaux sociaux, Internet, radio, informatique, sns...)

Ny fanafoanana ireo dia fambolena fahalemena ho an'ny fitondrana, mba hametra na hivangongo ao amin'ny MDN ny fiarovana sy fahefana ary hery rehetra iankinan'ny fitondrana.

Fehiny : Poizina sy fitaka izao fanafoanana izao, tsy misy firenena tsy manana sampam-pitsikilovana. Tsy mahagaga raha tafavoaka teto Madagasikara avokoa ny harem-pirenena (Volamena, vato-soa, sokatra, hazosarobidy, sns...)

**Famoronana sy fibakoan'ny MDN mivantana ny forces spéciales**

Dia mbola fametrahana ny fitokisana amin'ny MDN irery ihany io ; kanefa: ny fanonganana sy fandavana fitondrana tany Azia sy Afrika dia voamarina, fa ny olona eo akaiky eo ihany no nanao azy, noho ny fahatokisana be loatra sy fanomezana fahefana sy hery io olona io, ohatra ny nahazo an'i Thomas Sankara, ny tranga tao Mali sy Guinée tsy ela akory izay. Aoka tsy ho hadino, fa ny MDN amin'izao dia mametraka eo amin'ny mpa-

nao politika Malagasy (na mpanohitra na mpitondra), fa izy irery no mahay, diso anefa izany, ary izy no irery Général de corps d'Armée, grade ambony indrindra miasa.

**Manana intérêt ny haharava izao fitondrana izao sy hisian'ny tetezamita**

Ny GFS dia eo ambany fahefan'i MDN mivantana dia mitovy tsy misy valoka toy ny an'i Colonel Goita tany Mali, ny an'i lieutenant colonel Doumbouya tany Guinée, izay samy nanao fanonganana avokoa. Mety hoy izy hoe: "aleo ho eo ambany fahefako io Président, mba tsy hisian'ny risika toy ny nataon'i colonel Charles sy Lylson, fa saingy tsarovy ihany President, hoe: iza no hahazo tombontsoa raha hisy ny tetezamita tantanin'ny miaramila toy ny any Soudan amin' izao?"

**Tsy fifehezana sy fibaikoana, iray tsy nahomby**

Fibaikoana tsy manaraka principe de commandement, ary « émotif » no misy:

-Kendritohana : nosoloina ny responsable ny Enseignement teo anivon'ny Tafika, nefa tsy nisolo akory ny an'ny Gendarmerie nationale sy ny CIS ;

-Commandant de ZDS Mpangalana, niasa nandritra ny 1 taona, dia satria sahirana izy tamin'ny baiko tsy nahomby noraisina, tany Soanierana Ivongo, ka nampianjera hélicoptère, dia izay no nanasaziana olona, ka tsy nomena général.

-Noho ny fihenoana ny olona atokisana izay misekoseko (Col Rafidison sy col Rampanarivo, super ministres), mahasahy manimbazimba ny lehibe sy zoky, colonels sy généraux, dia tsy nomena général ny commandant de ZDS Andringitra.

-Fanagadrana olona tsy meloka tao amin'ny Bani ; noho ny fiarovana ny tena, dia tsy afaka niaro ny olona tafiditra tamin'iny raharaha iny ny ministra, ka dia naleo nandefa ny miaramila manontolo tany amin'ny fitsarana.

-Fankatoavana ny baikoana sivily, an' Andriamatoa SG (sekretera jeneraly) Andry A. , tamin'ny fane-sorana an'i jeneraly DGDOE. Noho ny tahotra ny toerana sao esorin'ity olona ity tamin'ny toerana koa izy MDN.

- Fametrahana tanora(lieutenant colonel)

mpanao eny Tompoko ho Daf na ministra, mba hahafahana manao ny atao ao amin'ny fitantanana.

- Fanilihana ireo olona mahay sao milaza ny marina sy ny tokony ho izy amin'ny Filoham-pirenena sy ny Praiministra.

- Fitazonana olona misotro ronono amin'ny toerana, rahalahy am-panambadiana,...

- Fitazonana olona misotro ronono hiasa, toy ny DG CIS, HCDN sy DAM ao amin'ny Prezidansa, tahotra sao hisy olona hanakaiky ny Filohan'ny Repoblika, ka ho very tsy ho heno intsony i MDN, dia aleo tsy manendry olona hafa,

- Fanalana tompon'andraikitra teo amin'ny toerany eo amin'ny Tafika, chef de corps, chef de service et commandant de zone Ankarafantsika, noho ny fihainoana olona iray tao amin'ny serasera.

- Tsy mbola nisy tao amin'ny tantaran'ny Tafika, ka ny gendarmerie indray no betsaka nahazo généraux noho ny tafika tao anatin'ny 60 taona, niseho izany tamin'ny fanendrena farany teo, noho ny fankahalana sy tahotra.

-Tsy fahafalian'i MDN ny amin'ny fanendrena an'i jeneraly SEG, sekreteram-panjakana amin'ny Zandarimaria, ho Général de Corps d'Armée, satria tsy izy irery no ho hany sisa lehibe farany ambony.

- Misy fitsipika milaza, fa tsy azo ataon'ny miaramila sy olom-panjakana no mandeha raha mihoatra ny amin'ny 6 ora hariva, maro ireo miaramila madinika nigadra sy voaroaka tamin'izany, kanefa dia noterena nandeha nanidina ihany ny helico hiala tany Soanieren'Ivongo, ny andro ratsy sy efa mihoatra ny amin'ny 6 ora hariva ny desambra 2021 iny; vavolombelon'izany ny Praiministra sy SEG, kanefa nahoana no mbola nahazo General de Coprs d'Armee ihany i SEG?

Na dia efa niantso an'ny Lehiben'ny Forces aériennes aza ny Pilote, mba handresy lahatra ny tsy hisidinana intsony; ity jeneraly ity kosa tsy hita izay nataony, sao tsy hahazo général de division, ka tsy namaly.

Noho ireo antony ireo, ahiana ny fisarahambazana atahorana hiteraka korontana eo anivon'ny Tafika sy ny Foloalindahy, hoy ihany ity fanambarana ity.

Ny Valosoa

Ny Valosoa sy fakafaka  
Fitondrana Rajoelina  
Tratra aoriana hatrany  
vao mody mihetsika

Anisan'ny fomba fiasan'izao fitondrana Rajoelina izao, izay hita misongadina fa tsy mihetsika sy mandray fepetra na koa manao asa, raha tsy efa mitranga ny olona. Io ambara eto mandrakariva hoe : rovitra omby tondro tsy taitra, fa rehefa omby loha vao mikoropaka ». Indraindray aza dia mby amin'ilay fitenenana vahiny mihitsy hoe « Médecin après la mort ». Mazava loatra fa ilay drafitra napetraka tany am-boalohany handray fitondrana mihitsy no ratsy fototra sy fandalinana, hany ka tonga amin'izao tranga olona maro samihafa izao hatrany tato anatin'ny telo taona. Anisan'ny tsy noheveriny fa rehefa niseho vao nikoropaka, ny kere any atsimo, ny karaman'ireo mpiasam-panjakana isan-tsokajiny, ao anatin'izany ny eny amin'ny Oniversite, ny mpiasan'ny fahasalamana, ny an'ireo orinasa nampisaina hanao lalana, sns... Eo ihany koa anefa ny fampitaovana mifandraika amin'ny filan'ny vahoaka toy ny eo anivon'ny orinasa Jirama. Raha tsy nisy may, ohatra, ny tany Andekaleka, izay vao mikoropaka sy mody tonga hatrany amin'ny filohan'ny Repoblika Rajoelina nitsidika izany. Inona anefa moa no hain-dRajoelina amin'izany fikirakirana angôvon'aratra, f'angaha izy teknisiana, na injeniera momba ny rianaratra. Nitsidika fa nitsidika fotsiny no nataony tany, fa raha hamaha ny olona any an-toerana dia ny teknisiana sy ny injenieran'ny Jirama ihany no hahavita izany. Efa indroa miantaona izao, ny taona 2020 sy 2021, no nisian'ny olona narary namoy ny ainy noho ny fahatapahan'ny rianaratra tany amin'ny toeram-pitsaboana. Tsy hita mazava anefa izay fihetsika nataon'ny fitondrana manoloana izany. Efa misy mamoy ny ainy vao mitady vahoalana ? Efa tara izany. Toy izany koa ny tranga namoizana ain'olona mpiray tanindrazana marobe tany Soanierana Ivongo vokatry ny loza an-drano-masina. Efa miseho ny voina vao taitra ny fitondrana, sy izao vao manao fanadihadiana sy miezaka misoroka ny tsy iverenan'izany amin'ny manaraka.

Miseho ho tonga aloha sy nahavita voalohany miohatra amin'ireo fitondrana nifandimby teo alohany izao fitondrana Rajoelina izao. Taraiky be anefa izy amin'ny tranga na sehatra maro samihafa iainan'ny vahoaka malagasy, ary efa midona mafy amin'ilay vahoaka ilay toe-javatra vao manezakezaka mitady vahoalana sy fanafodiny, fa talohan'izany variana amin'ny zavatra hafa... tsy mahamaika ny sarambamb-bahoaka.

Sôh'son

**PRIERE AU SACRE CŒUR**  
  
Que le Sacré Cœur de Jésus soit loué, adoré et glorifié à travers le monde pour des siècles et des siècles, Amen.  
Dites cette prière 6 fois/ jour pendant 9 jours et vos prières seront exaucées même si cela semble impossible. N'oubliez pas de remercier le Sacré Cœur avec promesse de publication quand la faveur sera obtenue.  
Remerciements au Sacré Cœur pour faveurs obtenues.  
Antsa R.